

羅隱

于

鄴

于

瀆

甲乙集卷第二

餘杭羅隱 昭諫

送支使蕭中丞赴闕

八年刀筆到京華，歸去青冥路未賒。今日風流卿相客，舊時基業帝王家。彤庭彩鳳雖添瑞，望府紅蓮已減花。從此常僚如有問，海邊麋鹿斗邊槎。

送人歸湘中兼寄舊知

青溪煙雨九華山，亂後應同夢寐間。萬里分飛休掩袂，兩旬相見且開顏。君依宰相貂蟬貴，我戀王門鬢髮斑。為謝伏波筵上客，幾時金印擬西還。

自貽

衰老應難更進趨，藥畦經卷自朝晡。縱無顯效亦藏拙，若有所成甘守株。漢武巡遊虛軋軋，秦皇吞併謾驅驅。如何只見丁家鶴，依舊遶東歎綠蕪。

暇日感懷因寄同院吳蛺拾遺

錦池清秩訪燕臺，曾捧瀛洲札翰來。今日二難俱大夜，當時三幅謾高才。戲悲槐市便便笥，狂憶樟亭滿滿杯。猶幸小蘭同舍在，每因相見即銜哀。

偶興

逐隊隨行二十春，曲江池畔避車塵。如今贏得將衰老，閑看人間得意人。

題鑿石山僧院

日夜潮聲送是非一迴登眺一忘機
憐師好事無人見不把蘭芽染褐衣

圍城偶作

東望陳留日欲曛
每因刀筆想夫君
自從郭泰碑銘後
只見黃金不見文

烏程

兩度攀陪十五年
郡中甘雨幕中蓮
一餅猶是烏程酒
須對霜風度泫然

送楊鍊師却歸貞浩巖

宦途不復更經營
歸去東南任意行
別後幾回思會面
到來相見似前生
久居竹蓋知勤苦
舊業蓬峯想變更
為謝佯狂吳道士
耳中時有鐵船聲

暇日投錢尚父

牛斗星邊玄宿間
棟梁虛敞麗江關
望高漢相東西閣
名重淮王大小山
醴設闕傾金鑿
洛馬歸爭撼玉連環
自慙麋鹿無能事
未報深恩鬢已斑

覽齊史

張翰思吳中
鱸膾蓴羹美

齊王僚屬好男兒
偶覓東歸使得歸
滿目路歧拋似夢
一船風雨去如飛
盤擎紫綠尊初熟
筋撥紅絲鱸正肥
惆悵途中無限事
與君千載兩忘機

感別元帥尚父

玉函瑤檢下台司記得當時捧領時半壁龍蛇蟠造化滿筐山岳動神祇疲牛舐犢心猶切陰鶻鳴雛力已衰稚子不才身抱疾日窺貞跡淚雙垂

尚父偶建小樓持摘麗藻絕句不敢稱揚三首

結構叨馮柱石才敢期撞蓋此裴東陽春曲調高誰和盡日焚香倚陶臺
璚簪珠履愧非才時凭闌干首重迴只待淮妖翦除後別傾卮酒賀行臺
闌檻初成愧楚才不知星彩尚迂迴風流孔令陶鈞外猶記山妖逼小臺

題玄同先生草堂三首

杳杳諸天路蒼蒼大滌山景輿留不得毛節去應閑相府舊知已教門新啓關太平匡濟術留落在人間
先生訣行曰雷奉數行書意密尋難會情深恨有餘石橋春暖後句漏藥成初珍重雲兼鶴從來不定居
常時憶討論歷歷事猶存酒向餘杭盡雲從大滌昏往來無道侶歸去有台恩自此玄言絕長應閉洞門

城西作

從軍無一事終日掩空齋道薄交游少才疎進取乖野禽鳴聒耳庭草綠侵階幸自同樗櫟何妨懷所懷

冬暮城西晚眺

謬忝連華幕虛沾柏署官欽危長抱疾衰老不禁寒時事已日過世途行轉難千崖兼萬壑只向望中看

秋霽後

淨碧山光冷圓明露點勻渚蓮丹臉恨堤柳翠眉顰蟬已送行客雁應辭主人蠅蚊漸無況日晚自相親

茅廬

從事不從事養生非養生職爲尸祿本官是受恩名時態已相失歲華徒自驚西齋一卮酒衰老與誰傾
使者

使者街中旨崎嶇萬里行人心猶未平天意似難明四海霍光第六宮張奉營陪臣無以報西望不勝情
途中逢劉知遠

吳樹煙波裏巢由季孟間只言無事貴不道致身閑別渚蓮根斷歸心桂樹頑空勞鍾磬意塵世隔玉關
遁跡

遁跡知安住沾襟欲奈何朝廷猶禮樂郡邑忍干戈華馬憑誰問胡塵自此多因思漢明帝中夜憶廉頗
隴頭水

借問隴頭水年年恨何事全疑鳴咽聲中有征人淚自古無長策況我非深智何期謝潺湲一宵空不寐
秦中富人

高高起華堂區區引流水糞土金玉珍猶嫌未奢侈陋巷滿蓬蒿誰知有顏子

思歸行

見于濟集

不耕南畝田爲愛東堂桂身同樹上花一落又經歲交親亦相薄知己恩潛替日開十二門自是無歸計

即事中允甲子

見韋莊浣花集

三秦流血已成川塞上黃雲戰馬關只有羸兵填渭水終無奇事出商山田園已沒紅塵內弟姪相逢白

刀間惆悵翠華猶未返淚痕空滴劍文斑

魏城逢故人

才調集作錦谷迴寄蔡氏昆仲

一年兩度錦江遊前值東風後值秋芳草有情皆礙馬好雲無處不遮樓山將別恨和心斷水帶離聲入夢流今日因君試回首澹煙喬木隔綿州

遊江夏口

醉別江東酒一杯往年曾此駐塵埃魚聽建業歌聲過水看瞿塘雪影來黃祖不能容賤客費祿終是負仙才平生膽氣平生恨今日江邊首懶迴

春思

蕩漾春風涼似波惹情搖恨去悽悽燕翻永日音聲好柳舞空城意緒多蜀國暖迴溪峽浪衝清轉遏雲歌可憐戶外桃兼李仲蔚蓬蒿奈爾何

黃鶴驛寓題

野雲芳草遠離鞭敢對青樓倚少年秋色未催榆塞雁人心先下洞庭船高歌酒市非狂者大嚼屠門亦偶然車馬同歸莫同恨古人頭白盡林泉

夾陸贈徐礪

靈蛇橋下水聲聲曾向橋邊話別情一榻偶依陳太守三年深憶禰先生塵敷鬢色非前事火熱蓬根有去程還把餘杯重相勸不堪秋色背鄖城

寄鍾常侍

一從朱履步金臺，藥苦冰寒奉上白峻節。不由人學得，遠途終是自將來。風高自展摩天翼，幹聳方呈構厦材。應笑樟亭舊同舍，九州無驗滿爐灰。

中秋夜不見月

陰雲薄暮上空虛，此夕清光已破除。只恐異時開霽後，五輪依舊養蟾蜍。

魏博羅令公附卷有迴

寒門雖得在諸宗，樓北巢南恨不同。馬上固慙消髀肉，爐中由羨愈頭風。蹉跎歲月心仍切，迢遞江山夢未通。深荷吾宗有知己，好將刀筆為英雄。

寄處默師

甘露卷簾看雨脚，樟亭倚柱望潮頭。十年顧我醉中過，兩地與師方外遊。久隔兵戈常寄夢，近無書信更堪憂。香爐煙靄虎溪月，終棹鐵船尋惠休。

病中上錢尚父

左腳方行右臂彎，每懸名跡污青筵。縱饒吳土容衰病，爭奈燕臺費料錢。藜杖已乾難更把，竹簾雖在不堪懸。深恩重薦無言處，回首浮生淚泫然。

送梅處士歸寧國

十五年前即別君，別時天下未紛紛。亂罹且喜身俱在，存沒那堪耳更聞。良會謾勞悲曩跡，舊交誰去弔

荒墳殷勤為謝逃名客想望千秋嶺上雲

經故友所居

槐花漠漠向人黃此地追遊跡已荒清論不知莊叟達死交空歎趙岐忙病來未忍言閑事老去唯知覓
醉鄉日暮街東策羸馬一聲橫笛似山陽

大梁從事居汜水

江東集作贈盧從事

前年帝里望行塵記得仙家第四人
泉暖舊諸龍偃息露寒初見鶴精神
歌聲上榻梁園晚夢遶殘鍾
汜水春知有篋中編集在只應從此是經綸

杜處士新居

翠斂王孫草荒誅宋玉茅冠餘無故物時
薄少深交迸筭穿行逕飢雛出壤巢小園
吾亦有多病近來拋
絕境

絕境非身事流年但物華
水流落髮直風引蕙心斜
凡客從題鳳膚膏未勝蛙小船兼有樂始與問漁家
雪中懷友人

臘酒復臘雪故人今越鄉
所思誰把醺端坐恨無航
兔苑舊遊盡龜臺仙路長
未知離孟子何以奉梁王
秋晚

宰邑慙良術為文愧壯圖
縱饒長委命爭奈斷非夫
杯酒有時有亂罹無處無金陵
在何域回首一踟躕

昇仙橋

危梁枕路岐駐馬問前時價自友朋得名因婦女知直須論運命不得逞文詞執戟君鄉里榮華竟若爲
姑蘇貞娘墓

春草荒墳蔓蔓向虎丘死猶嫌寂寞生不肯風流皎鏡山泉冷輕裾海霧秋還應伴西子香煙夜深遊
靈山寺

晚景聊攄抱憑欄幾蕩魂檻虛從四海江闊奈孤根幽徑薜蘿色小山沿薜痕欲依師問道何處繫心援
倚攬

倚攬聽鄰笛沾衣認酒壚自緣悲巨室誰復爲窮途樹解將軍夢城遺御史烏直應齊始了傾酌向寒蕪
秋夕對月

夜月色可掬倚樓聊解顏未能分冠盜徒欲滿關山背冷金蟾滑毛寒玉兔頑桓娥謾偷藥長寥老中間
寄徵士魏員外

家適蘇門節清食粉署官不矜朝命重只恨路行難窗曉難譚倦庭秋蛩夢闌美君歸未得還有釣魚竿
宿彭蠡館

孤館少行旅解鞍增別愁遠山矜薄暮高柳怯清秋病裏見時態醉中思舊遊所懷今已矣何必恨東流
螢

空庭夜未央點點度西牆抱影何微細乘時忽發揚不思因腐草使擬倚孤光若道能通照車公業肯長
早秋宿葉隋所居

池荷葉正圓長曆報時殫曠野雲蒸熱空庭雨始寒
蠅蚊猶得志簾席若為安浮世知誰是夢歌共一懽

蛇

漢王刀筆精寫爾逼天生舞巧何妨急飛高所恨輕
野田黃雀慮山館主人情此物那堪作莊周夢不成

春居

春風百卉搖舊國路迢迢偶病成疎散因貧得寂寥
倚簾高柳弱飛露小桃天春色常無過村醪更一瓢

輕颺

輕颺掠晚莎秋物慘關河戰壘平時少齋壇上處多
楚雖屈子重漢亦憶廉頗不及雲臺議空山老薜蘿

燕

不必嫌漂露何妨養羽毛漢祀金屋遠盧女杏梁高
野迥雙飛急煙晴對語勞猶勝黃雀在棲息是蓬蒿

陝西晚思

長途已自窮此去更西東樹色榮衰裏人心往返中
別情流水急歸夢故山空莫忘交遊分從來事一同

除夜寄張達

梅花已著眼竹葉況粘膏只此留殘歲那堪憶故人
亂罹書不遠衰病日相親江浦思歸意明朝又一春

寄酬鄴王羅令公五首

江東集作感德敘懷寄上
羅鄴王三首此二三也

營室東迴蔭斥丘少年承襲擁青油坐調金鼎尊明主
橫把琯戈拜列侯書札二王爭巧拙篇章七子避
風流西園舊跡今應在衰老無因奉勝游

脉散源分歷幾朝縱然官宦只卑僚正憂求汲淪滄海忽見高枝拂絳霄十萬貔貅趨玉帳三千賓客珥金貂良時難得吾宗少應念寒門更寂寥

敢將衰弱附強宗細算還緣血脉同湘浦煙波無舊跡鄴都蘭菊有遺風毋憐罹亂書猶達所恨雲泥路不通珍重珠璣兼繡段草玄堂下寄揚雄

水雲開霽立高亭依約黎陽對福星只見篇章矜鏤管不知勲業柱青冥早緣入夢金方礪晚為傳家鼎始銘鶴髮四垂煙閣遠此生何處拜儀形

錦笈朱囊連復連紫鸞飛下浙江邊綃從海室奪煙霧樂奏帝宮勝管絃長笑應劉悲顯達每嫌伊霍少詩篇戴灣老圃根基薄虛費工夫八十年

春日投錢塘元帥尚父二首

正憂衰老辱金臺敢望昭王顧問來門外旌旗屯豹虎壁間章句動風雷三都節已聯翩降兩地花應次第開若比紫髯分鼎足未聞餘力有瓊瓌

征東幕府十三洲敢望非才忝上游官秩已叨吳品職姓名兼顯晉春秋鹽車顧後聲方重火井窺來燭始浮一句黃河千載事麥城王粲謾登樓

錢塘府亭

新恩別啟館娃宮還拜吳王向此中九牧土田周制在兩藩茅社漢儀同春生舊苑芳洲雨香入高臺小徑風更有龍光人未見問安調膳盡三公

野狐泉

在百丈山後昔懷海禪師說法有老人來聽經曰謫落此山今大辛吳明曰一老狐斃崖下百丈山在江西南昌府奉新縣

滴滴寒光灑路塵相傳杖物此潛身又應改換皮毛後何處人間作好人

宿紀南驛

策蹇南游憶楚朝陰風浙浙樹蕭蕭不知無忌奸邪骨又作何山野葛苗

贈無相禪師

人人盡道事空王心裏忙於市井忙惟有馬當山上客死門生路兩相忘

遣興

青雲路不通歸計奈長蒙老忍醫方誤窮憂酒醺空何堪罹亂後更入是非中長短遭譏笑回頭避釣翁

江夏酬高崇節

臘雪都堂試春風汴水行十年雖抱疾何處不無情羣盜正當路此游應隔生勞君間流落山下已躬耕

鸞聲

井上梧桐暗花間霧露晞一枝晴復暖百轉是兼非金屋夢初學玉關人未歸不堪閑日聽因爾又沾衣

做玉臺體

青樓枕路隔鮮甃復極塗晚夢通簾押春寒逼酒醺解吟憐芳藥難見恨萵蒲試問年多少鄰姬亦姓胡

夜泊義興戲呈邑宰

溪畔維舟問戴星此中三害有圖經長橋可避南山遠却恐難防是最靈

聽琵琶

香筵酒散思朝散，偶向梧桐暗處聞。大底曲中皆有恨，滿樓人自不知君。

經耒陽杜工部墓

紫菊馨香覆楚醪，奠君江畔雨蕭蕭。旅魂自是才相累，閑骨何妨塚更高。驛驛喪來空蹇蹇，蘭衰後長蓬蒿。屈原宋玉鄰，君處幾駕青螭綬鬱陶。

題袁溪張逸人所居

蒲梢獵獵驚鷹差，數里溪光日落時。芳樹文君機上錦，遠山孫壽鏡中眉。難窗夜靜開書卷，魚檻春深展釣絲。若使浮名拘絆得，世間何處有男兒。

昇平公主舊第

乘鳳仙人降此時，玉篇纔罷到文詞。兩輪水碓光明照，百尺蛟綃換好詩。帶礪山河全盡在，風流樽俎見無期。壇場客散香街暝，惆悵齊竽取次吹。

寄黔中王從事

故人刀筆事軍書，南轉黔江半月餘。別後鄉關情幾許，近來詩酒興何如。貪將翠袖矜鶯谷，不把瑤絨附鯉魚。今日舉觴君莫問，生涯牢落鬢蕭疎。

關亭春望

關亭春雲拂馬頭，馬前春事共悠悠。風搖岸柳長條困，露裛山花小朵愁。信越功名高似狗，裴王氣力大

於牛未知至竟將何用渭水涇川一向流

寄徐濟進士

往年疎嬾共江湖月暖花香記得無霜壓楚蓮秋後折雨催蠻酒夜深酤紅塵偶別迷前事丹桂相傾愧後逢出得函關抽得手從來不及阮元瑜

寄韋贍

石城蒼笠阻心期落盡山花有所思羸馬二年逢轉後故人何處月明時風催曉雁看看別雨脅秋蠅漸漸癡禪智闌干市橋酒縱然相見只相悲

雪溪晚泊寄裴庶子

溪風如扇雨如絲閑步閑吟柳惲詩杯酒疎狂非曩日野花狼藉似當時道窮謾有依劉感才急應無借寇期滿眼雲山莫相笑與君俱是受深知

送姚安之赴任秋浦

官罷春坊地象雷片帆高指貴池開五侯水暖魚鱗去九子山晴雁叙來江夏黃童徒逞辯廣都寵令恐非才到頭稱意須年少贏得時光向酒杯

寄喬逸人

南經湘浦北揚州別後風帆幾度游春酒誰家禁爛熳野花何處最淹留欲憑尺素邊鴻嬾未定雕梁海燕愁長短此行須入手更饒君占一年秋

塞外

塞外偷兒塞內兵聖君宵旰望昇平碧幢未作朝廷計白挺猶驅婦女行可使禦戎無上策只應憂國是
虛聲漢皇第宅秦田土今日將軍已自榮

裴庶子除太僕卿因賀

楚珪班序未為輕莫惜良圖副聖明宮省舊推皇甫謐寺曹今得夏侯嬰秩隨科第臨時貴官遂簪裾到
處清應笑馬安虛巧宦四迴遷轉始為卿

詠史

蠹簡遺編試一尋寂寞前事似如今徐陵筆硯珊瑚架趙勝賓朋瑇瑁簪未必片言資國計只應邪說動
人心九原郝氏何由起虛誤西蕃八尺金

中元夜泊淮口

木葉迴飄水面平偶因孤棹已三更秋涼霧露侵燈下夜靜魚龍逼岸行欹枕正牽題柱思隔樓誰轉
遠溪聲錦帆天子狂魂魄應過揚州看月明

寄池州鄭員外

獸遶朱輪酒滿船郡城蕭洒貴池邊衣同萊子曾分筆扇似袁宏別有天九點好山樓上客兩行高柳雨
中煙陵陽百姓將何福社舞村歌又一年

歸夢

陸海波濤漸漸深一迴歸夢抵千金路傍草色休多事牆外鶯聲肯有心日晚向隅悲斷梗夜闌澆酒哭知音貪財敗陣誰相悉鮑叔如今不可尋

送溪州使君

兵寇傷殘國力衰就中南土籍良醫鳳銜泥詔辭丹闕鵬倚霜風上畫旗官職不須輕遠地生靈只是計臨時瀾橋酒醖縣巫月從此江心兩所思

送雲川鄭員外

明時塞詔列分麾東擁朱輪出帝畿銅虎貴提天子印銀魚榮傍老萊衣歌聽名塢春山暖詩詠嶺州暮鳥飛知有掖垣南步在可能須待政成歸

酬寄右司李員外

當年憶見桂枝春自此清途未四旬左省望高推健筆右曹官重得名人閑攜麗藻嫌秋興靜獵遺編笑過秦猶把隨和向泥滓應憐疎散任天真

蓮塘驛

蓮塘館東初日明蓮塘館西行人行隔林啼鳥似相應當路好花疑有情一夢不須追往事數杯猶可慰勞生莫言來去只如此君看鬢邊霜幾莖

甘露寺火後

六朝勝事已塵埃猶有閑人悵望來只道鬼神能護物不知龍象自成灰犀慙水府渾非怪鷺說吳宮未

是災還識平泉故侯否一生蹤跡比樓臺

春日登上元石頭故城

萬里傷心極目春東南王氣只逡巡野花相笑落滿地山鳥自驚啼傍人謾道城池須險阻可知豪傑亦埃塵太平寺主惟輕薄却把三公與賊臣

送宣武徐巡官

微睨公卿二十年東來西去只悠然白知關畔元非馬玄覺壺中別有天漢帝詔叩應異日梁王風雪是初筵臨行不惜刀圭便愁殺長安買笑錢

冬暮寄裴郎中

曉髮星星入鬢宜早年容易近年悲敢言得事時將晚只恐酬恩日漸遲南國傾心應望速東堂開口欲從誰仙郎舊有黃金約瀝膽膺肝更禱祈

中元甲子以辛丑駕幸蜀四首

子儀不起渾瑊亡西幸誰人從武皇四海為家雖未遠九州多事竟難防已聞肝食思真將會侍政遊致假王應感兩朝巡狩跡綠槐端正驛荒涼

爪牙柱石兩俱銷一點渝塵九土搖敢恨甲兵為棄物所嗟流品誤清朝幾時睿算戡張角何處愚人戴兜鍪跪望峻山重啟告可能餘烈不勝妖

邪氣奔屯瑞氣移清平過盡到艱危縱饒犬彘迷帝理不奈豺狼幸此時九廟有靈思李令三川悲憶恨